

御纂醫宗金鑑

外科

卷七至卷十

幽

癰

圖



幽癰在臍上七寸

腹部

幽癰

幽癰臍上七寸生初小漸大腫硬疼憂思厚味火毒發咬牙寒戰毒陷攻註此證生臍上七寸初起如粟漸增漫腫疼痛形如鵝卵甚則堅硬痛牽胸肋由過食膏粱厚味憂思氣結腸胃不

通火鬱成毒自內而外發也初起腫痛皮色未紅時若心煩嘔噦脈沉實者當疎火毒以絕其源宜內疎黃連湯
燉腫痛甚邪氣實也宜服托裏散艾壯隔蒜灸之脈見沉遲其膿未成用補中益氣湯託之脈見洪數其膿已成
用託裏透膿湯膿熟脹痛不潰係氣血虛也急用十全大補湯溫補之外兼用卧鍼開卧鍼者斜入斜出防傷內
膜也或誤行汗下或誤寒涼以致腫而不潰潰而不斂者急用十全大補湯加乾薑附子以救之已潰朝寒暮熱
者氣血虛也食少作瀉脾胃虛也胸痞痰涌脾肺虛也俱服六君子湯服後諸證悉退換十全大補湯調理即愈
外治之法俱按癰疽腫瘍潰瘍門無論已潰未潰忽咬牙寒戰係氣虛不能勝毒毒陷攻裏之兆或潰後膿水忽
多忽少瘡口如蟹吐沫者係內膜透俱為逆證

託裏散 皂刺

金銀花

黃芩

牡蠣 煨

當歸

赤芍

朴硝

大黃

花粉

連翹 各等分
去心

共研粗末每用五錢酒水各一鍾煎八分去渣服

歌託裏散醫諸瘡毒腫甚厥疾煎服消皂刺銀花芍牡蠣歸芍硝黃花粉翹

內疎黃連湯見腫瘍門

隔蒜灸法見首部灸法

託裏透膿湯見頭部侵腦症

補中益氣湯

十全大補湯

六君子湯

即香砂六君子湯減去蒼朮砂仁俱見潰瘍門

中 脫 疽 圖



中脫疽在臍上四寸

中脫疽

裏作嘔不食數嗽膿痰者逆初宜服仙方活命飲色紫堅硬宜服山甲內消散膿勢將成內外治法俱按癰疽腫瘍潰瘍門若起長膿遲或瘡不嫩痛者急用艾壯隔獨頭蒜片置患上灸之回陽

山甲內消散

穿山甲

三大片炒

當歸尾

大黃

甘草節

各三錢

土木鱉

個

黑牽牛

蠶蠶

各一錢

酒水各一鍾煎八分空心服渣再煎服大便秘行三四次方食稀粥淡味調理

山甲內消火毒積色紫堅硬中脫疽歸尾大黃蠶草節木鱉牽牛加酒宜

仙方活命飲

見腫瘍門

嚇癰圖



嚇癰

嚇癰七情鬱火成臍上三寸粟微紅暴腫焮痛
二七潰頂陷色黑潰遲凶註此證由七情鬱火
凝結而成生臍上三寸屬任脈經建里穴初如
粟粒癢痛相兼其腫迅速寒熱往來甚則嘔噦
牽引臍痛初腫微紅頂尖根束漸透赤色時痛

時止十四日潰膿者順若頂陷紫黑根脚漫腫面赤大渴脈見浮數而散大者逆內治與幽癰參考外治法按癰疽腫瘍潰瘍門

街疽圖



街疽

街疽臍上二寸生心火毒熾入腎紅高腫焮痛
速潰吉若見七惡定然凶註此證生於任脈臍
上二寸下腕穴亦名中發疽又名墜腎瘡由心
火熾盛流入腎經而成色亦高腫應在二十一
日潰破膿稠受補者順初宜瘡科流氣飲或仙

方活命飲消之膿將成時內外治法俱按癰疽腫瘍潰瘍門其證若平塌紫黑膿水清稀七惡證見者逆
瘡科流氣飲見背部瘡注發
仙方活命飲見腫瘍門

臍癰圖



臍癰生在肚臍

臍癰

臍癰毒發在臍中腫大如瓜突若鈴無紅無熱
 宜蒜灸稠膿為吉污水凶註此證由心經火毒
 流入大腸小腸所致生於臍中屬任脈經神闕
 穴此穴禁鍼腫大如瓜高突若鈴無紅無熱最
 宜隔蒜灸之初宜服仙方活命飲加升麻消之

便結實者內疎黃連湯通利之將欲成膿內外治法俱按癰疽腫瘍潰瘍門潰後得稠膿者順時出污水臭穢者
 逆亦有臍中不痛不腫甚癢時津黃水此屬腸胃濕熱積久宜服黃連平胃散外用三妙散乾撒滲濕即愈當忌
 酒麪生冷果菜不致再發若水出不止者亦屬逆

黃連平胃散

黃連錢五

陳皮

厚朴薑炒各錢三

甘草二錢生

蒼朮一兩炒

共研細末每服

三錢滾水調服

黃連平胃散陳甘厚朴蒼朮共細研專除濕熱兼消積能令臍水立時乾
 三妙散 檳榔 蒼朮生

三妙散

檳榔

蒼朮生

黃蘗生各五分

共研細末乾撒肚臍出水津淫成片止癢滲濕又治濕癬以蘇
 合油調搽甚效

合油調搽甚效

歌三妙散用檳榔蒼黃藥同研滲濕瘡蘇合油調治濕癬收乾止癢效稱強
 隔蒜灸法見首卷

隔蒜灸法

仙方活命飲

內疎黃連湯俱見腫瘍門

少腹疽圖



少腹疽

少腹疽

少腹疽生臍下邊證由七情火鬱纏高腫紅疼牽背易漫硬陷腐水膿難註此證由七情火鬱而生每發於氣海丹田關元三穴氣海在臍下一寸五分丹田在臍下二寸關元在臍下三寸皆屬任脈經此三穴或一穴發腫即為少腹疽

高腫紅活疼痛牽背易潰稠膿者易治若漫腫堅硬綿潰腐爛膿稀如水者難治凡遇此證初起急用艾灸腫頂七壯至三七壯以痛癢通徹為度宜服仙方活命飲氣實之人太渴便秘者宜服內疎黃連湯通利之老弱之人宜服內補十宣散令其速潰若潰遲恐透內膜外治法同癰疽腫瘍潰瘍門

仙方活命飲

內疎黃連湯

俱見腫瘍門

內補十宣散

見胸郭癰疽

腹皮癰圖



腹皮癰左右皆同

腹皮癰

腹皮癰生腹皮內皮裏膜外腫隱疼腹痛不止膿成候證由膏梁鬱火生註此證生於腹皮裏膜外無論左右隱疼日久後發癰腫於皮外右關脈見沉數而痛甚者是其候也由膏梁火鬱而成初起壯實者用雙解貴金丸下之虛弱者

減半用之不應再服半劑凡下之後腹痛不止膿將成也急用託裏透膿湯潰後與癰疽潰瘍門治法相同不可過用剋伐之劑若希圖消散過傷胃氣則腫不能潰潰不能飲立見危亡矣

雙解貴金丸 見腫瘍門 託裏透膿湯 見頭部

緩疽圖



緩疽

緩疽脾經氣積凝少腹旁生堅又疼數月不潰生寒熱食少削瘦效難成 註此證由太陰脾經氣滯寒積而成生於少腹之旁堅硬如石不紅不熱痛引腰腿數月不潰若兼食少削瘦者屬敗證但不可棄而不治初宜內服山甲內消散

不應不可強消徒損胃氣以十全大補湯加烏藥附子胡盧巴溫補之外用木香餅熨之兼用獨頭蒜搗爛鋪於患上艾壯灸之以知熱為止次日再灸以或消或潰為效若潰後即按癰疽潰瘍門治法

山甲內消散 見中脫疽

十全大補湯 見潰瘍門

木香餅 見乳部乳中結核

腋部

腋癰

腋癰圖



腋癰暴腫生腋間腫硬焮赤痛熱寒肝脾血熱兼忿怒初宜清解潰補痊 註此證一名夾肢癰發於腋際即俗名脫肢窩也屬肝脾血熱兼忿怒而成初起暴腫焮硬色赤疼痛身發寒熱難

消必欲作膿初宜服柴胡清肝湯外敷冲和膏疼痛日增宜服透膿散加金銀花甘草節桔梗膿脹痛者鍼之已潰內外治法俱按癰疽潰瘍門此證首尾忌用寒涼中年易愈老弱之人難痊

柴胡清肝湯 見頭部

沖和膏

透膿散 俱見腫瘍門

腋疽圖



腋疽生在腋窩居中堅硬潰邊左右皆同

腋疽

腋疽初起若核形肝患脾憂氣血凝漫腫堅硬宜蒜灸日久紅熱潰先疼註此證一名米疽又名疚疽發於肘腋窩正中初起之時其形如核由肝脾二經憂思恚怒氣結血滯而成漫腫堅硬皮色如常日久將潰色紅微熱疼痛也初宜

艾壯隔蒜片灸法內服柴胡清肝湯加烏藥消之虛弱之人宜服香貝養榮湯外用烏龍膏敷之早治或有全消者遲則膿成宜服託裏透膿湯膿脹痛者鍼之膿出痛滅隨患者虛實補之其餘內外治法俱按癰疽潰瘍門此證初終內外治法禁用寒涼中年易愈衰老難痊

隔蒜灸法 見首卷灸法

柴胡清肝湯 見頭部

香貝養榮湯 見頭部

烏龍膏 見腫瘍門

託裏透膿湯 見頭部

疔圖



疔之毒聚腋窩堅硬色紫紫之如釘頭

疔

疔藏於腋下生肝脾火毒瘡而疫寒熱拘急紫黑色急按疔門治即宣註此證生於腋下由肝脾二經火毒而成堅硬勢若釘頭瘡而且痛寒熱往來四肢拘急其色紫黑煩熱作嘔痛引半身宜服麥靈丹其次內外即按疔門治之便愈

麥靈丹 見腫瘍門

肋疽圖



肋疽在肋脰骨間發色紫腫大如豆

肋部

肋疽

肋疽始發屬肝經火毒鬱怒結腫形紫痛梅李甚如益急宜鍼砭免內攻註此證一名夾熨疽生於肋脰骨間由肝經火毒鬱怒結聚而成初如梅李漸大如益色紫焮痛連及肩肘患在左

痛牽右肋患在右痛牽左肋二十一日之內膿潰稠黏者順屆期不潰既潰出清水者逆初腫急宜磁鍼砭出紫血庶免毒氣攻裏砭後亦腫疼痛煩躁脈實作嘔為有餘之證宜服雙解金貴丸下之腫硬不潰宜服透膿散脈弱作嘔此胃虛也宜服香砂六君子湯補之亦有痛傷胃氣而作嘔者即同胃虛治之若感受寒邪及偶觸穢氣而作嘔者雖腫時尤宜壯胃助氣為主蓋腫時作嘔因毒氣內侵者十有一二停飲內傷者十有八九惟醫人臨證詳辨之膿熟用卧鍼開之餘按癰疽潰瘍門治法

雙解金貴丸

透膿散俱見腫瘍門

香砂六君子湯見潰瘍門

淵疽

淵疽圖



淵疽在臍下三寸發硬不紅

淵疽肝膽憂恚成生於肋下硬腫疼潰破有聲內膜透未潰當服護膜靈註此證因憂恚太過以致肝膽兩傷而成生於肋下初起堅硬腫而不紅日久方潰得稠白膿者順如豆漿水者險瘡口有聲似乎兒啼此屬內膜透也即於陽陵

泉穴灸二七壯其聲即止穴在膝臑骨外臑下一寸陷中蹲坐取之即得內外治法皆同肋疽凡肋胃骨腰腹空
 賴之處發癰疽者當在將潰未潰之際多服護膜散可免透膜之患

護膜散 白蠟 白芨各等 共研細末輕劑一錢中劑二錢大劑三錢黃酒調服米湯亦可

勸護膜散內二味藥白蠟白芨為細末或酒或以米湯調將膜預服不透膜

內發丹毒

丹毒肝脾熱極生肋上腰胯赤霞形急宜砭出

紫黑血嘔穢昏脹毒內攻註此證由肝脾二經

熱極生風所致生於肋骨延及腰胯色赤如霞

遊走如雲痛如火燎急向赤腫週圍砭出紫黑

血以瘦牛肉片貼之羊肉片亦可其毒即可滅

內發丹毒圖



內發丹毒生於肋骨延及腰胯色赤如霞遊走如雲

半初服雙解金貴九汗之次服化斑解毒湯投方應病者順若嘔噦昏憤胸腹脹偏身青紫者則為毒氣內攻

化斑解毒湯 升麻 石膏 連翹心 牛蒡子 人中黃 黃連 知母 黑參錢各一

竹葉二十片水二鍾煎八分服

勸化斑解毒熱生風致發丹毒雲片紅升膏翹芳中黃等黃連知母黑參同

雙解貴金丸 見腫瘍門

圖 癰 腸



腸癰 附症

腸癰焮紅高腫疼疽堅塌漫冷不紅皆屬肝膽
 怒火結滯潰敗聚冷虛凶註此證生於軀肋有
 硬骨者為肋肋下軟肉處為季脇癰疽二證皆
 由肝膽怒火凝結而成多生於體虛之人初如
 梅李漸長如盤如盆色紅焮痛高腫二七潰破
 膿稠為癰若堅硬平塌漫腫木痛不紅不熱月
 膿清肝湯解鬱瀉火如已成者服託裏透膿湯膿熟脹痛俱用臥鍼開之已潰以排餘膿補氣血為要餘按癰疽

潰瘍門治法投補不應者難治

柴胡清肝湯見頭部

託裏透膿湯見頭部

五 臟 六 腑



內癰部

肺癰

肺癰肺熱復傷風肺臟生癰隱痛胸狀若傷寒
 燥欬甚稠濁痰涎腥臭膿未潰射干麻黃汁墮
 不得臥等症攻潰後膿稠能食吉膿清兼血不
 食凶註此證係肺臟蓄熱復傷風邪鬱久成癰
 以致胸內中府穴隱隱疼痛振寒脈數狀類傷

諸募穴圖



膻中募穴
肝募門穴
腎募京門穴

排餘膿若吐膿腥臭欬而胸滿者宜外臺桔梗白散以開痰塞若咯吐膿血兼午後身熱煩躁宜金鯉湯主之兼飲童便若潰後胸膈脇肋隱痛不止口燥咽乾煩悶多渴自汗盜汗眠卧不得欬吐稠痰腥臭此係癰膿不盡而兼裏虛宜肺桔梗湯主之若癰膿已潰喘滿腥臭濁痰俱退惟欬嗽咽乾咯吐痰血脇肋微痛不能久卧者此屬肺癰潰處未斂宜紫苑苒清補之渴甚去半夏加石膏服之若癰膿潰後欬嗽無休膿痰不盡形氣虛羸者宜清金匱肺丸主之凡治此證惟以身溫脈細膿血交粘痰色鮮明飲食甘美膿血漸止便潤者為吉若手掌皮粗潰後六脈洪數氣急顛紅汚膿白血懶食及大便結燥者為凶中府穴又名肺募在乳上第三根肋骨間射干麻黃湯 射干十三枚或三兩 麻黃 生薑各四 細辛 紫苑 欬冬花各三

五味子

半夏

洗各半升

水煎溫服

麻黃

生薑

各四兩

細辛

紫苑

欬冬花

各三兩

大棗

枚

射干麻黃散上氣肺癰喉中水雞聲射麻生薑辛苑夏五味大棗並欬冬

葶藶大棗湯

苦葶藶

輕者五錢重者一兩

大棗

輕者五枚重者十枚

水三鍾煎至一鍾服之

勑葶藶大棗治肺癰欬不得卧有癰膿葶藶苦寒瀉實熱佐棗之甘和胃經

千金葶藶湯

葶藶

升二

薏苡仁

炒

瓜瓣

各半升即冬瓜仁

桃仁

五十粒去皮尖炒研

水煎服

勦千金葦莖肺癰欬微熱煩滿吐敗濁皮膚甲錯宜葦莖薏苡桃仁瓜瓣合

桔梗湯 苦桔梗兩一 甘草二兩 水煎服

勦桔梗湯用排餘膿肺癰吐膿米粥形清熱解毒須甘草開提肺氣桔梗功

外臺桔梗白散 苦桔梗 貝母冬三分 巴豆黍分去皮 右三味為散強人飲服半錢七贏者減之病

在膈上者吐膿在膈下者瀉出若下多不止飲冷水一杯則定

勦外臺桔梗白散方肺癰便祕服之良桔梗貝母與巴豆藥微力大功速強

金鯉湯 金色活鯉魚一尾約四兩重 貝母二錢 先將鯉魚連鱗剖去肚腸勿經水氣用貝母細末搽在魚肚內

線紮之用上白童子便半大盞將魚浸童便內重湯炖煮魚眼突出為度少頃取出去鱗骨取淨肉浸入童便

內炖熟肉與童便作二三次一日食盡一枚其功效甚捷

勦金鯉湯中效罕稀法同貝母活鯉魚童便浸魚重湯炖肺癰煩熱善能醫

宣肺桔梗湯 苦桔梗 貝母心去 當歸 桔薤仁研 生黃耆 枳殼炒 甘草節

桑白皮炒 防己 百合心去 薏苡各八分炒 五味子 地骨皮 知母生 杏仁研炒

苦葶藶各五分 水二鍾薑三片煎八分不拘時服 欬甚倍加百合 身熱加柴胡黃芩 大便不

利加蜜大黃一錢 小水澀滯加燈心木通 煩躁痰血加白茅根 胸痛加人參白芷

勦宣肺桔梗肺癰耆歸薤貝殼甘桑皮防己百合葶五味杏知苡仁地骨宜

紫苑茸湯 紫苑茸 犀角末 甘草炙 人參各五 桑葉用經霜者 款冬花 百合心去

杏仁研炒 阿膠便潤炒用便燥生用 貝母心去 半夏製 蒲黃各七分生 引薑三片水二鍾煎八分將犀角

末調入食後服

紫苑耳湯參犀角款冬桑葉百合阿膠甘夏貝蒲黃專醫肺癰不久臥

清金宣肺丸

陳皮

白茯苓

苦桔梗

貝母心法

人參

黃芩各五錢

麥冬心法

地骨皮

銀柴胡

川芎

白芍炒

胡黃連各六錢

五味子

天冬心法

生地酒浸

熟地心法

地骨皮

歸身

白朮炒各一兩

甘草錢三

共為細末煉蜜為丸如梧桐子大每服七十九食遠白滾湯送下

勸清金宣肺丸肺癰陳苓桔貝參二冬柴芩歸芍黃連草朮味生熟地骨芍

大小腸癰

大小腸癰因濕熱氣滯瘀血注腸中初服大黃行瘀滯膿成薏苡牡丹平註此二證俱由濕熱氣滯凝結而成或努力瘀血或產後敗瘀蓄積流注於大腸小腸之中初起發熱惡風自汗身皮甲錯關元天樞二穴隱痛微腫按之腹內急痛大腸癰多大便墜腫小腸癰多小便澀滯脈俱遲緊此時癰膿未成宜大黃湯下之瘀血利盡若小水閉澀仍宜大黃湯加琥珀末木通利之自效若癰成日久不潰身皮甲錯內無積聚腹急腹痛身無熱而脈數者係腸內陰冷不能為膿宜薏苡附子散主之若脈見洪數肚臍高突腹痛脹滿不食動轉側身則有水聲便淋刺痛者癰膿已成宜薏苡湯主之腹濡而痛少腹急脹時時下膿者毒未解也宜丹皮湯治之如膿從臍出腹脹不除飲食減少面白神勞此屬氣血俱虛宜八珍湯加牡丹皮肉桂黃耆五味子斂而補之患者轉身動作宜徐緩而勿驚慎之如就延日久因循失治以致毒攻內藏腹痛牽陰腸胃受傷或致陰器紫黑腐爛色敗無膿每流污水衾幃多臭煩躁不止身熱熅乾俱屬逆證關元穴又名小腸募在臍下三寸天樞穴又名大腸募在臍旁開二寸

大黃湯

大黃剉

牡丹皮

硝石研

芥子

桃仁炒先以湯浸去皮尖雙仁勿用

右各等分共剉碎每用五

錢水二鍾煎至一鍾去渣空心溫服以利下膿血為度未利再服

勸大黃湯善治腸癰少腹堅痛膿未成牡丹皮與大黃炒芥子桃仁硝石靈

薏苡附子散

附子二分

敗醬五分

薏苡仁一錢

共為末每服方寸匕以水二合煎頓服小水當下

三因云薏苡附子同煎敗醬用一兩一分每四錢水盞半煎七分去渣空心服

歌薏苡附子散甲錯腸癰腹脹痛脈數附子敗醬薏苡仁為末水煎空心服

薏苡湯

薏苡仁

桔萸仁各三錢

牡丹皮

桃仁各二錢水二鍾煎至一鍾不拘時服

歌薏苡湯治腹水聲腸癰便淋刺痛疾牡丹皮共桔萸子還有桃仁薏苡仁

丹皮湯

丹皮

括萸仁各一錢

桃仁泥

朴硝各二錢

大黃五錢水二鍾煎一鍾去渣入硝再煎

數滾不拘時服

歌丹皮湯療腸癰證腹濡而痛時下膿硝黃丹萸桃仁共水煎服之有奇功

八珍湯

見漬瘍門

胃癰

胃癰中脘穴腫疼不飲不噉吐血膿飲食之毒七情火候治腸癰大法同註此證初起中脘穴必隱痛微腫寒熱

如瘡身皮甲錯並無欬嗽咯吐膿血由飲食之毒七情之火熱聚胃口成癰脈來沉數者初宜服清胃射干湯下

之若脈濇滯者瘀血也宜服丹皮湯下之脈洪數者膿成也赤豆薏苡仁湯排之體倦氣喘作渴小水頻數者肺

氣虛也補中益氣湯加五味子麥冬補之其候證生死治法與大小腸癰同中脘穴又名胃募在臍上四寸

清胃射干湯

射干

升麻

犀角

麥冬心去

玄參

大黃

黃芩各一錢

芒硝

梔子

竹葉路五

水煎服

歌清胃射干湯射干升麻犀角麥冬全參苓大黃芒硝等竹葉山梔胃癰症

赤豆薏苡仁湯

赤小豆

薏苡仁

防己

甘草各等

水二鍾煎八分食遠服

防赤豆薏苡湯最神甘己赤豆薏苡仁胃癰腫成脈洪數二鍾水煎服八分

丹皮湯見大小腸癰

補中益氣湯見清

脾癰

脾癰濕熱瘀血凝章門穴腫兼隱疼腹脹嗌乾小水短利下濕瘀補收功註此證始發章門穴必隱痛微腫由過食生冷兼濕熱或瘀血鬱滯脾經而成令人腹脹咽嗌乾燥小水短澀初宜大黃湯赤豆薏苡仁湯二方合用之以攻滯鬱二便通利腹脹全消宜六君子湯扶脾調理順逆看法與胃癰同章門穴又名脾募在臍旁開六寸高六寸

大黃湯見大小腸癰

赤豆薏苡仁湯見胃

六君子湯即香砂六君子湯去蒼香砂仁見廣瀉門

肝癰

肝癰憤鬱氣逆成期門穴腫更兼疼臥驚眩滿溺不利清肝滋腎即成功註此證始發期門穴必隱痛微腫令人兩脇脹滿脇痛側臥則驚便溺艱難由憤鬱氣逆而成初服復元通氣散次服柴胡清肝湯痛脹已止宜服六味地黃丸脾虛食少則佐以八珍湯滋腎補脾治之取效禁用溫補鍼灸期門穴又名肝募在乳旁一寸半再直上一寸半

復元通氣散見腫瀉門

柴胡清肝湯見頭部

六味地黃丸見面部

八珍湯見瀉瀉門

心癰

心癰巨關腫隱疼酷飲嗜熱火毒成面赤口渴身作痛治法陽熱總宜清註此證始發巨關穴必隱痛微腫令人寒熱身痛頭面赤赤隨飲隨乾由心火熾盛更兼酷飲嗜熱而成宜服涼血飲酒毒為病者宜服升麻葛根湯治之此證甚屬罕有但治法不可不備巨關穴又名心募在臍上六寸五分

涼血飲 木通 瞿麥

荊芥 薄荷 白芷 花粉 甘草

赤芍 麥冬去心 生地

山梔子 車前子 連翹各等分

引用燈心若潮熱加淡竹葉水煎溫服

散涼血飲善治心癰瞿荊荷並草翹通赤芍山梔甘生地車前花粉麥門冬

升麻葛根湯 山梔 升麻 葛根 白芍 柴胡 黃芩 黃連 木通 甘草各五分

水二鍾煎八分不拘時服

散升麻葛根湯山梔酒毒心癰黃連宜柴芍通苓升葛草水兼溫服不拘時

腎癰

腎癰腎經不足生京門微腫隱隱疼少服肋下腹脹滿房勞形寒邪外乘註此證始發京門穴必隱疼微腫令人寒熱往來面白不渴少腹及肋下腹脹塞滿由腎虛不足之人房勞太過身形受寒邪氣自外乘之初服五積散加細辛寒盡痛止宜用桂附地黃丸調理京門穴又名腎募在身側腰中監骨下肋間

五積散 蒼朮二錢炒 陳皮 桔梗 川芎 當歸 白芍各一錢 麻黃 枳殼炒 桂心

乾薑 厚朴各八分 白芷 半夏製 甘草生 茯苓各四分 引薑一片水二鍾煎八分不拘

時服 頭痛惡寒者加連翹蔥頭三個蓋卧汗出甚效

散五積散蒼朮陳苓麻黃半桔歸芍芎芷朴桂心乾薑草腎癰寒邪服成功

桂附地黃湯見續傷門

三焦癰

三焦癰由濕熱凝石門穴上腫隱疼寒結治同腸癰法內癰俱係膜内生註此證始發石門穴必隱疼微腫令人

寒熱往來二便秘澀由濕熱遇寒凝結而成治法與大小腸癰同凡內癰俱係膜內成患外皮不腐石門穴又名

三焦募在臍下二寸

內癰總論